



Progetto "EU FAÉDDHU GADDHURÉSU"
finanziatu da la L. 482/1999, artt. 9 e 15 e L.R. 22/2018 – annualitai 2021



Comuni di Lungòni

PRUÍNCIA DI SASSARI

VILBALI DI DILIBBARAZIONI DI LA GHJUNTA COMUNALI N° 1 di lu 18/01/2022

UGGHJETTU: DISTINAZIONI DI LI DINÀ CHI VENINI DA LI MULTI AMMINISTRATIVI PAL LI VIULAZIONI A LU CÒDICI DI LA STRADA ANNU 2022

L'annu duimilliavintidui la dì diciottu di lu mesi di Ghjinnaghju a li 5:45 di sirintina, illa Sedi Comunali, dapoi chi so stati pultati a cumpimentu li fulmalitai priscritti da la Legghji e da lu Statutu, s'è riunita suttu a la presidènzia di la Síndaca Nadia Matta. Palticipigghja a l'adunànzia e è ingarrigatu di la redazioni di lu presenti vilbali lu Segrettàriu Comunali Dott.ssa Paola Moroni. Intilvenini li Signori:

N°	Qualifica	Nome	Presente	Assente
<u>1</u>	Síndaca	MATTA NADIA	X	
<u>2</u>	Vice Sìndaco	MURA ANTONIO	X	
<u>3</u>	Assessori	COPPI SAMANTA	X	
<u>4</u>	Assessori	CAREDDU CATERINA SANDRA	X	
<u>5</u>	Assessori	SCOLAFURRU FABRIZIO	X	
<u>6</u>	Assessori	AZARA DOMENICO	X	

PRESENTI: 6 ASSENTI: 0

Lu Presidenti, ricunnotta ligali l'adunànzia dichjara abbalta la seduta e invita la Ghjunta Comunali a trattà l'argumentu in ugghjettu.

LA GHJUNTA COMUNALI

PRIMISSU chi da l'altículu 40, comma 1, littara c), di la legghji di la dí 29 di Agliola di lu 2010, n. 120 (Disposizioni in matèria di siguresa stradali) à mudificatu l'altículu 208 di lu decretu legislativu di la dí 30 di Abbrili di lu 1992, n. 285, chi polta Còdici Nòu di la strada, introducendi una spicífica e puntuali ripaltizioni di li dinà chi venini da li cruntavinzioni di lu Còdici di la strada, cun priisioni di destinazioni vinculata in bilànciu o meddhu di spesa a caratteri obbrigàtoriu appiù a l'introduzioni fra le vari finalitai di la pussibbilitai di destinà chisti dinà a lu rinfulzamentu di silvizi di Polizia Locale;

ATTESU chi li disposizioni di l'altículu 208 e 142 commi da lu 12-bis a lu 12-quater, di lu decretu legislativu n. 285 di lu 1992 priidini chi la destinazioni di li pruventi di li sanzioni amministrativi in dinà, pal violazioni priisti da lu còdici di la strada, sò dati a lu Statu, candu li violazioni siani acciltati da funziunari, ufficiali e rapprisintanti di lu Statu, no solu da funziunari e rappresentanti di li Ferruvi di lu Statu o di li ferruvi e tranvie in cunzissioni. Li pruventi stessi sò dati a li Regioni, Pruinci e Comuni, candu li violazioni siani acciltati da funziunari, ufficiali e rapprisintanti, rispettivamente, di li Regioni, di li Pruinci e di li Comuni;

RILIATO chi a li sensi di lu comma 4 di lu mattessi alt. 208 di lu decretu legislativu n. 285 di lu 1992, una pulzioni uguali a lu 50 % di li pruventi chi spettani a lu Comuni, deni esse destinati illu modu chi sighi:

- a) in misura no dimancu a un qualtu di la pulzioni, a intilventi di rimpiazzu, di ammuclnamentu, di rinfuzamentu, di posta in régula e manutinzioni di la segnalètica di li stradi di proppietai di l'enti;
- b) in misura no dimancu a un qualtu di la pulzioni, a lu rinfuzamentu di l'attivitai di cuntrollu e di acciltamentu di li violazioni in materia di cilculazioni stradali, puru pal mezu di l'acuiu di automezi, mezi e frunituri di li Colpi e di li silvizi di pulizzia pruinciali e di li vigili di lu comuni comu a li littari d-bis) e
- e) di lu comma 1 di l'altículu 12;
- c) altu finalittai auniti a lu middhuramentu di la siguresa stradali, relativi a la manutinzioni di li stradi di proppietai di l'enti, a la posta, a l'ammuclnamentu, a lu rinfuzamentu, a la posta a régula e a la manutinzioni di li barreri e a la sistemazioni di lu cimentu di li mattessi stradi, a la redazioni di li piani comu si dici ill'altículu 36, a intilventi pal la siguresa stradali a tutela di li utenti debbuli, comu steddhi, anziani, svàliti, pidoni e ciclisti, a lu abuliamentu, da palti di l'organi di polizia locale, illi scóli di ugna oldini e gradu, di corsi didattichi finalizzati a l'educazioni stradali, a misuri di assistènzia e di previdènzia pal lu passunali comu a li littari d-bis) e e) di lu comma 1 di l'altículu 12, a li misuri a lu comma 5-bis di lu prisenti altículu e a intilventi a faori di la mobbilitai ciclistica;

RILIATU altresì chi la destinazioni di li pruventi di li ammendi amministrativi di dinà, sigundu cantu priistu da lu sighenti comma 5, deni esse ditilminati da lu Comuni, ugn'annu, cun dilibbara di la Ghjunta, dendi facultai a l'Enti di destinà in tuttu o in palti luchi felma di la pulzioni di lu 50 pal centu di li pruventi, pal li mattessi finalittai;

VISTU lu comma 5-bis. Di l'altículu 208 di lu decretu legislativu di la dí 30 di abbrili di lu 1992, n. 285, cussí comu mudificatu da ll'altículu 40, comma 1, littara c), di la legghji di la dí 29 di agliola di lu 2010, n. 120 , cun lu cali veni dezzisu chi una pulzioni di chisti pruventi pó ancóra esse destinata a assunzioni stagionali a prughettu, illi folmi di cuntratti a tempu ditilminatu e a folmi flessibili di trabaddhu, ovvero a lu finanziamentu di prughetti di rinfuzamentu di li silvizi di cuntrollu finalizzati a la siguresa urbana e a la siguresa stradali, no solu a prughetti di rinfuzamentu di li silvizi a di notti e di priinzioni di li violazioni di cui a l'altículi 186, 186-bis e 187 e a l'acuiu di automezi, mezi e frunimenti di li Colpi e di li silvizi di pulizzia pruinciali e di pulizzia municipali comu a li littari d-bis) e e) di lu comma 1 di l'altículu 12, destinati a lu rinfuzamentu di li silvizi di cuntrollu finalizzati a la siguresa di lu paesi e a la siguresa stradali;

VISTA la cilcolari di lu Ministeru di l'interno 24/12/2012, prot. 17909;

RITINUTU di dué pruvvidé in meritu, punendi illu bilànciu di priisioni di l'eselcìziu 2022 li summi nezissari pal garantí il vinculu di destinazioni di li pruventi comu dici l'alt. 208 di lu D.Lgs. n. 285/1992;

TINUTU CONTU chi pal l'eselcìziu in cossu no sò priisti intrati chi venini da l'ammendi amministrativi cun dinà pal violazioni di l'alt. 142 di lu decretu legislativu di la dí 30 di abbrili di lu 1992 (Limiti di velocitai acciltati pal mezu di parati di rileamentu a distànzia ecc.), pal li cali, a li sensi di lu comma 12 bis di lu mattessi altículu, deni esse ridotti di lu 50 % siddhu l'Enti proppietariu di la stra è diffarenti da chissu acciltadori;

ATTESU chi in base a li summi acciltati a títulu d'ammendi amministrativi di dinà pal li violazioni a lu Còdici di la Strada ill'eselcizi innanzii, pal l'eselcìziu 2022, si prevedi di incassà a tali títulu, la summa di €. 100.000,00, ex altículu 208 CdS;

CUNSIDARATU chi innantu a chisti pruventi veni posta a banda una summa a títulu di Fundu Crediti di Dubbia Esigghjibbilitai in base a la media di li summi non riscossi illi cinc'anni innanzi, destinata a limità la capacitai di spesa di l'enti, pari a lu 32,88 %, e chi paltantu vinculi di destinazioni sò da calculassi innantu risossi netti;

RITINUTU di pruvvidé in miretu;

APPUDARATI innant'a la prupposta di la presenti dilibbarazioni li pareri fauréuli in oildini a la regolaritai tennica e contàbbili, a li sensi di l'alt. 49 di lu TUEL;

Cun vutazioni fauréuli a l'unanimitai di li prisenti

DILIBBARIGGHJA

- 1. DI DITILMINÀ**, pal l'annu 2022, una priisioni di intrata di li dinà di l'ammendi amministrativi pal viulazioni di lu Còdici di la Strada ex alt. 208, un impoltu pari a Euro 100.000,00;
- 2. DI DÀ ATTU** chi la priisioni di intrata subbra zittata dé esse ridotta di lu 32,88 %, puní a banda la summa chi risulta a títulu di fundu pal créditos di dúbbia esigghjibbilitai, ditilminendi paltantu una risussa netta di Euro 67.120,00;
- 3. DI DISTINÀ**, pal effettu di posta a banda comu si zici illu puntu innanzi, a li sensi di l'alt. 208 di luD.Lgs. n. 285/1992, una pulzioni pari a lu 50 % di li dinà di l'ammendi amministrativi pal viulazioni a lu Còdici di la Strada relativi a l'annu 2022, un impoltu pari a Euro 33.560,00 pal li finalitai di seghitu prizzisati:

Finalitai	% mimina	% destinata	Impoltu	Rif. A lu bilànciu
Intilventi di rimpiazzu, di ammuclnamentu, di rifulzamentu, di posta in régula e manutinzioni di la segnalètica di li stradi di proppietai di l'enti	12,50%	20,00 %	6.712.00 €	
Attivitai di cuntrollu e di acciltamentu di li viulazioni in materia di ciiculazioni stradali, puru pal mezu di l'acustu di automezzi, mezi e frunituri	12,50%	12,50 € %	4.195,00 €	
Manutinzioni di li stradi di proppietai di l'enti	25%	67,50 %		

rimpiazzu, di ammodernamentu, di rinforzamentu, di posta in regola e manutenzioni di li barriere e a la sistemazioni di lu cimentu di li stradi di proprietà di l'enti			9.061,20 €	
Redazioni di li ulbani di lu trafficu				
interventi pal la siguresa stradali a tutela di li utenti deboli (streddhi, anziani, svàliti, pedoni e ciclisti)				
corsi didattichi finalizzati a l'educazioni stradali illi scòli di ugnu oldini e gradu				
Folmi di priidènzia e assistenza complementare				
Interventi a faori di la mobilitai ciclistica				
Assunzioni di passunali staggiunali a prugettu			9.061,20 €	
finanziamentu di prugetti di rinforzamentu di li silvizi di cuntrollu finalizzati a la siguresa urbana e a la siguresa stradali, no solu a prugetti di rinforzamentu di li silvizi a di notti e di priinzioni di li violazioni			4.530,60 €	
l'acquistu di automezzi, mezzi e frunimenti di li Colpi e di li silvizi di pulizzia municipali destinati a lu potenziamentu di li silvizi di cuntrollu finalizzati a la siguresa urbana e a la siguresa stradali				
TOTALI	50%	100 %	33.560,00 €	

4. DI INSCRÍ in appositi capituli di lu schema di bilànciu pal l'eserciziu 2022 - 2024 li priisioni di intrata e di spesa subbra indicati;

5. DI INVIÀ entru la dí 31 di magghju di lu 2022 a lu Ministèriu di li Infrastrutturi e a lu Ministèriu di l'Intelnu, a li sensi di l'art. 142, comma 12-quater, di lu d.Lgs. n. 285/1992, la rilazioni chi rigalda la destinazioni di li dinà di l'ammendi amministrativi pal violazioni di lu Còdici di la Strada relativi a l'annu 2022;

6. DI ALLIGÀ la presenti dilibbarazioni a lu bilànciu di priisioni finanziariu 2022 – 2024;

7. DI DICHIARÀ lu presenti pruvidimentu subitamente eseguibile, a li sensi di l'artìculu 134, comma 4, di lu d.Lgs. n. 267/2000.

Lettu, cunfilmatu e sottuscrittu

La Síndaca
Nadia Matta

La segretària Comunali
Dott.ssa Paola Moroni
(attu sottuscrittu digitalmenti)